

ex 3501213


42

1216

馬開縣志

惺庵題

卷壹
序凡姓目地
文例氏錄理



二十二年徵集

馬關縣志

周鍾嶽題



馬關縣志序

馬關居國防之衝自法蘭西割據越南以還又為吾滇屏蔽前
清末葉中法訂約設對汎劃沿邊一線以理外交始入民國又
劃東安里為西疇一縣昔日廣大之區而今已成彈丸矣然地
而雖小其間山川之險峰巒之秀則惟馬關所特出蓋山川居
高臨下虎視全陵而峰巒如春笋怒生蒼翠可愛雖進化稽遲
不乏挺拔英偉之士崇尚武功者多而博學通才則鳳毛麟角
耳如縣志一書為地方根本之要山川風物之所必詳政教沿
革之所必備上述往哲之遺徽下作後人之良模小之如一家

馬關縣志

卷壹 序

一

雲南德生石印代印

之宗譜大之若一國之史冊天經地義不可或缺非有通達之
士出而搜集之不足以言修志非有多數之財儲而備用之不
足以言修志然搜集有人備用有款又非有關心文獻者銳意
而提之摯之亦不足以言修志馬關文士既麟鳳之可貴而公
款又羅掘之無方其修志也不亦難乎余於辛未春自麻栗坡
卸篆來長斯土迭接省內外各機關令函索志詢諸邑紳云縣
志已成稿以款絀故未付梓余不禁躍然曰志既成稿功已半
矣款雖難籌余當負責一簣之力曷速興而為之異日張紳天
源持稿至披閱一過覺其中有抄冗之病且駁雜不馴非詳加

筆削不足以資考證而垂後世然筆削之任又將誰屬諸紳環以請余復毅然肩之乃定期設局委左紳進思黃紳傳銘主局務劉紳作樑司出納并令各區團保及有識之士負採訪而款亦應時籌就於是筆者削者彙者繕者校正者採訪者協修考稽日聚一堂不百日而縣志已繫然成書矣語曰衆志成城又曰有志者事竟成信哉余不才不敢以言修志惟念馬關地居邊要界務尤宜重視因是而董率以成復將縣地畧圖石印入書以備參考志修於辛未冬十一月書成於壬申三月用誌數言以記其事後之君子擴而充之則幸甚

馬關縣志

卷壹 序

二

雲南德生石印代印

民國二十一年歲次壬申三月一日龍陵張自明謹序

續修縣志序

大道不行孔子始作春秋二世云亡蕭相先收圖籍蓋所以正
千古之是非明萬方之事物其重大未可以權量者也縣志雖
為一方之書凡治亂沿革善惡褒貶以及土地民物文化交通
罔不包羅是合春秋圖籍而兼作者也其為書不更重耶但縣
志之編纂甚難為直筆耶將開罪於豪門為曲筆耶將失信於
後世此述事之難也寫景則風生紙上狀物則形見毫端此傳
神之難也故吾邑志書雖曾兩度纂稿終覺未愜人意求之高
閣不願付梓亦有年矣近年事變紛乘綱紀陵夷當局失其賞

馬關縣志

卷壹 序

雲南德生石印代印

罰草野亡其忌憚民生凋敝國步艱難事功委罪此日且李戴
張冠事過境遷後世將數典忘祖必有實錄庶免訛傳况當訓
政進行方俗文獻立待參稽則縣志需要於今更切吾邑開闢
晚近文藝不競著述之才稀若麟鳳初纂志稿之唐揆百盧靈
谷兩先生復相繼物化老成凋謝後起無人邑志完成倍覺不
易茲幸邑侯張君渾菴龍陵鴻儒經史名家來牧吾邑百廢並
舉邑人以舊志進呈請分琴政餘晷代為刪訂俾得卒稿付印
以慰渴望張君慨然曰邑志之缺吾與有責也一簣之功當與
諸君共成之於是撥款設局俊彥羣集不兩月而稿已竣蓋以

張君之德不畏強禦述事無直筆之忌張君之文並駕班馬揮
毫無點竄之煩胸羅錦繡日無全牛其速也良有以也稿成張
君謂進思參與末議亦宜有一序以志原委顧進思不能文不
欲效東施之顰以取笑於大雅惟志稿將完之日正值日本強
佔我東省之時警電傳來痛憤曷已倘不得公平之解決對外
宣戰進思嘗食國俸名列軍籍當隨吾邑健兒共作前驅滅此
朝食拚葬骨於蓬山瀛海間以完國民職責勉附一言以記吾
痛不亦可乎夫亡國天下之最痛事也殺敵天下之最快事也
外侮迭乘國難方殷寧為玉碎勿圖瓦全願邑人共懷亡國之
痛常懷殺敵之憤只須人心鞏固金甌無損則文化之進展物
產之繁興乃自然之事將來之歷史圖籍必更擴充而光大之
豈不有榮幸焉

民國二十年十一月一日邑人左進思識於劉氏之間瀛樓

原序一

竊聞載一國之事謂之史載一縣之事謂之志史與志名異而實同馬關三里極邊隸滇西南隅與文趾接壤在明為三長官司地於時無志迨清定鼎於時究河劃界分疆三里曾設廳官衙署名曰安平與開化府縣同城共襄治理側聞志之始修也創於康熙初年洎嘉慶中葉有名儒萬重賢者集地方碩彥又從而續修焉迄今百有餘年幾經兵燹衰亂之餘雖荒蕪遺稿每多斷簡殘編史闕有間方今民國肇造百度維新舉凡向之興廢凌夷忠孝節義山川人物暨昔年與法人劃界添設歸仁

馬關縣志

卷壹

原序一

雲南德生石印代印

一里附及版圖等事未忍湮沒際茲移衙伊始百務勞然若不纂之於志誠恐將來老成凋謝文獻難徵南董之良史無存魯魚之訛書誰辨且也書非麟筆派失龍門其如吾關之地面遼濶事蹟繁多何陳陳相因空言莫益矧縣志纂修既非一人之力所能蒞其事尤非一日之功所能要其成即能馳騁古今貫穿經傳其如掌故者之獨力難支何己未夏幸議員李君家祐自省歸來知邑志一書所關綦重竭力發起提倡商之縣長趙君湘皋共襄厥事適宗姪振仁亦承認循歷各鄉覈實採訪至總理修纂之事共推西區盧君一善定期於民國八年六月十

七日開局辦理除各里另委採訪員紳外又舉會計常君慶雲
出入招待惟楷雖應期到局然自慚譎陋學淺識膚且年邁昏
庸難膺鉅任萬一言不足錄必為後世所詬病第楷在公有年
仔肩難卸日望各里名士貴臨纂修為志乘生色今春盧君一
善始惠然來相助為理於是提綱挈領將採訪事實分門別部
竭其心力錄列成稿雖無佳作美觀亦以俟後之續修者可為
先導云耳

中華民國九年歲次庚申秋七月邑人唐世楷識於紫薇軒中

原序二

在昔封建變為郡縣莫不有志志之一書所以載土地人民政事之興衰山川古蹟之名勝風俗人情之美惡以為後世之文獻也吾邑自康熙六年設安平廳與開化府同城至光緒三十二年移住馬白迨辛亥反正民國肇造廢郡立縣改安平為馬關自是以來縣治愈顯而百廢愈興邦人士曰開化有志吾邑無志曩日雖附開化纂修不過記其大概今當改革若不興修何以繼往開來於是會集同人稟請前任知事趙荃籌款設局開辦舉善等任編纂之役善不文難勝任惟念老成零落絕續

馬關縣志

卷壹

原序二

一

雲南德生石印代印

相關未敢推委故不揣陋劣從事於後於民國九年二月到局與揆百唐君沿舊增新分部編纂至秋七月草創成稿敦請新任知事丁君時俊並合邑文士同校正焉夫吾邑地處極邊三面鄰交開闢日淺人煙稀疎民氣不開通學校不改良實業不推廣工藝不振興商務不發達雖馬關各區皆立學校數年未有成績工藝托諸空談實業徒耗公費商務甚屬寥落且也豪華之子奢侈相尚寒素之家效尤成風不能振興職斯故也然吾邑土地雖饒薄人民雖樸實果能開通民氣以求進步改良學校以培人才振興工藝以挽利權推廣實業以厚物產擴充

商務以裕財源反奢為儉革薄從忠將見野無曠土市無游民
自不必患貧患寡而臻於富庶矣雖然猶有進者當此共和時
代與專制大相懸殊人民既得自由甚願互相砥礪在國者以
愛國之心並愛於鄉在鄉者以愛鄉之心兼愛於國使人人存
此熱忱奮發有為黽勉從事道上古之休風仰中天之景運則
風俗淳美人才迭出可立而待也今之成此邑志原以載諸既
往昭示來茲使後世之續修邑志者慕前日之流風逐漸改良
豈非邦人諸友纂修之初意乎

中華民國九年歲次庚申秋七月邑人盧一善識於紫薇軒中

續修縣志序

蓋聞太上立德其次立功其次立言是之不朽夫德以功而顯著功以言而表彰是功德之與言未始不相須也然以言表之而不以文志之則古人之言不能流傳於今日今人之言不足取證於後世故古人之有盛德豐功嘉言懿行者則必載以簡編垂於竹帛勒之金石播之聲詩以耀後世而示不忘焉誠哉此志之不可以不修也明矣如我馬關一邑雖開闢日淺文化最遲然自古及今不無魁梧奇偉之士其功業嘖嘖人口者若不援筆志之恐當時則榮沒則已焉而更有地方人物足以資

馬關縣志

卷壹

續修序

雲南德生石印代印

風化而示鼓勵者一則學士文人再則烈女節婦此皆山川靈秀之氣鍾毓而成亦足載簡編而光史乘故前任縣長趙荃公有鑒於此於民國八年委任鄉中博士唐老先生揆百盧老先生靈谷二公苦心採訪閭邑古今事蹟編成草案十二冊於民國九年功告落成將付手工印刷奈遭連地亂黨猖獗是以中止至今有縣城之省議員王君方谷縣議會議長成君宜卿以為修志一節實有關於民彝物則者甚大若令功虧一簣不惟有負前修辛苦且恐方策遺失將有人亡政息之憂也因存舉墜深心竭挽頽大力復組織一討論縣志會函邀予與劉輔周

先生同集會內與關中多士共勦討論續修但予識見淺陋不
學疎庸惟細閱二公前編草案凡一切人物類纂今古事蹟無
不備載周全潛心披覽不啻身游五嶽胸襟為之一濶惟恨近
來數年地方多難功廢半途予與多士集思廣益於前編之略
者續之缺者補之庶使此志告成為一完璧俾後之來者得因
志以證言因言以證功德於以見此志之歷傳而不朽也豈非
幸哉是為叙

民國十五年秋七月上浣鄉居士江礪山謹識於馬關縣議會
之修竹軒

增續縣志叙

易曰上古結繩而治後世聖人易之以書契書契者何即文字也蓋結繩記事多則繩結繁雜歷年久何由辨明以文記事布於方策紀之者分門別類網紀有條縱令代遠年湮開卷一覽無遺竊以自古及今天下國家之事治亂存亡之蹟至今尚可考證者賴有史記也文也都省郡邑之事世界變遷之由後人猶能談論者賴有志乘也亦文也故曰言之無文行之不遠有志之士讀萬卷書行萬里路縱談千古雄視百代言行垂於竹帛功業著諸簡編者何莫非文字之力也是文字之所關不

馬關縣志

卷壹

增續志叙

一

雲南德生石印代印

亦巨哉吾邑僻處天末進化已晚自清康熙六年始置官設守用夏變夷迄今二百六十餘年縣志一書缺焉未備恐後來者數典忘祖文獻無徵殊為恨事前人已計及之於開化府志內附記大畧已是挂一漏萬光緒三十二年秋九月署於馬白百廢未興諸端待理洎民國紀元改廳為縣專制推倒共和成功別具一番景象至七年知事趙荃蒞任始舉辦志乘得本關人士李裕如先生贊勳之力多士採訪之功唐盧二公編輯修撰越二年書已成帙趙解任去事遂寢又幾歷寒暑矣今秋七月有縣議長成宜卿君省議員王芳谷君計及於此乃相謂曰縣

志一書關於民彝物則者至鉅也其如未成何於是在會各議
員同具熱忱復倡舉縣志討論續修會函邀勳與江君礪山來
關與在關之袁君子昌左君進思王君席英博雅諸君子同任
討論增補續修事宜勳不學無術何堪勝任欲任之而不可欲
諉之而不能蓋以綱常名教之大責在儒生也討論增修之屬
義不容辭也又承縣長蕭君訓令曰邑志一書須取法於史記
既已會開討論不可筆下徇情事之缺漏者補之文之悖謬者
削之所以主持公道也言之繁蕪者刪之非之後來者續之所
以增全璧也予雖不敏明令不可不遵人亦有言筆削不可不
慎謹將前集成書後近來數載事蹟續記編末俾足取證於後
世也云耳故援筆而為之記

大中華民國十五年歲在丙寅孟秋月朔之二日叙於馬關議
事會之修竹軒 居士清郡庠輔周劉世勳謹序

馬關縣志

卷壹

增續志叙

二

雲南德生石印代印

雲南馬關縣志

凡例

一馬關開闢年淺風氣未開文獻不足本志以忠孝節義山川物產治亂事實為之經緯記載從實不加文飾

一馬關原名安平廳民國改廳為縣故本志名曰馬關縣志從今名也

一本志體例畧根據通志其標識類別今昔各殊且事勢不能相同編輯不無增減如分野碍於考覈災祥又屬虛渺記載從畧惟關重要足以徵世勵俗者仍予書入

馬關縣志

卷壹

凡例

一

雲南德生石印代印

一本志以紀實勵俗為主旨如節孝殉難陣亡之類一經各地紳士採訪送局均予編錄用符勸善之意

一本縣舊日文獻附載府志今所蒐獲者已多殘缺失次惟藝文數冊如武備部中之師旅考及安南國紀畧又如學校部中之祭祀典禮及丁祭教文等類足以關乎歷史者不肯脫畧仍擇要錄之以資考據

一本志照綱目體例編輯民元以來天災人禍關乎全縣安危治亂者摘要記載題曰馬關大事記俾傳事實

一本志因應時事之需要僅就事實勉強成書聊備一邑文獻

至於志目編次不無瑕疵挂漏之處以待後之君子修正可耳

馬關縣志

卷壹 凡例

二

雲南德生石印代印

馬關縣志目錄

卷壹

序

凡例

志目

修志姓氏

地理志

地圖

圖象

馬關縣志

卷壹目錄

一

雲南德生石印代印

輿圖說

形勢

疆域

氣候

城鎮鄉地名表

滇越邊界村落對照表

道路里程

人口統計

名山